

Hersiening van gestremdheidslys

Tshwane, 1 Junie 2021 - Die Suid-Afrikaanse Inkomstediens (SARS) neem kennis van die publiek se kommentaar oor die publisering van die konseplys van kwalifiserende fisieke inperking of gestremdheid uitgewes (die gestremdheidslys) vir publieke kommentaar.

Baie van hierdie kommentaar blyk gebaseer te wees op 'n misverstand oor die voorneme van die voorgestelde wysigings tot die lys, wat veroorsaak is deur indienings van belanghebbendes wat kwessies wil aanspreek wat ontstaan uit die huidige gestremdheidslys.

Om meer tyd toe te laat om belanghebbendes te betrek, die bedoeling agter die veranderinge te verduidelik en die kwessie wat genoem is te verstaan, is 'n besluit geneem om die konsep-gestremdheidslys te onttrek. 'n Verdere konsep-gestremdheidslys kan gepubliseer word wanneer hierdie proses afgehandel is.

Die huidige gestremdheidslys, wat in 2020 gepubliseer is vir die 2021-belastingjaar en daarna, sal van krag bly totdat dit vervang word. Hierdie weergawe is beskikbaar op die SARS-webtuiste.

Nota aan redigeerders:

Die gestremdheidslys is in 2009 bekendgestel deur wetgewende wysiging aan die Wet op Inkomstebelasting, 1962, wat vereis het dat die kommissaris 'n lys van kwalifiserende uitgewes vir fisieke inperking en gestremdhede voorskryf. Die wysiging is bekendgestel om duidelikheid en sekerheid te verbeter vir beide SARS en belastingpligtiges ten opsigte van die soort kwalifiserende gestremdeidsuitgewes wat vir belastingdoeleindes toegelaat sal word.

Die eerste gestremdheidslys het inwerking getree vir die 2010-belastingjaar en daarna en was gebaseer op die gewysigde wetgewende vereistes dat die uitgewes "noodsgewys aangegaan, en betaal is deur die persoon as gevolg van enige fisieke inperking of gestremdheid". Met die opstel van die lys, het SARS wyd met verskeie organisasies, wat persone met gestremdhede verteenwoordig, en professionele liggame gekonsulteer, gevolg deur 'n tydperk vir kommentaar deur die groter publiek.

Die gestremdheidslys is opgedateer vir die 2013-belastingjaar en daarna, en daarna vir die 2021-belastingjaar en daarna, gevolg deur soortgelyke konsultasieprosesse.

Die leidende beginsel vir SARS was nog altyd om daardie bykomende uitgewes te identifiseer wat 'n persoon met 'n gestremdheid sou aangaan, waarsonder die persoon nie die aktiwiteite van daaglikse lewe sou kon verrig nie.

Met betrekking tot skoolfooi, is die kwalifiserende uitgewe tans die verskil tussen die fooi betaal aan 'n private skool vir spesiale behoeftes en die naaste fooi-betalende privaat skool; of die verskil tussen die fooi betaal aan 'n openbare skool vir spesiale behoeftes en die naaste fooi-betalende openbare skool.